

Digitized by the Internet Archive in 2010 with funding from Boston Public Library

MONSIEVR LE PRINCE

M. DC. XV.

ACC 84-546 (37)

ADVIS A MONSEIGNEVR of derood ale Prince. asiqui isagobab

MONSEIGNEVR, Day or The Reinbb

QVICONQVE veut gaigner le prix doit franchir la carriere. Les plus beaux commencemens ne sont à rien comptez s'ils ne sont suiuis. C'est la fin qui couronne l'œuure. Vostre grandeur meuë d'vn iuste desir, d'vn zele ardent de voir cest Estat reprendre sa forme, & le lustre que vingt annees d'vne entiere paix luy auoit acquis sous l'heureuse conduitte de dessunt nostre grand Roy. Et que quatre ans de mésme repos luy ont terny sous les iunes ans de nostre Prince son fils. Auroit tant supplié & tant fait, que pour aduiser aux moyens de son restablissement. Sa Maiesté auroit trouué bon de conuoquer l'assemblee des trois Estats de son Royaume (remede salutaire à ses maladies desesperees) Vostre grandeur a fait vne action digne du rang que vous y tenez,& de la pieté d'vn Prince si proche de sa couronne. Toute la France Monseigneur, vous en a l'obligatio. Comme celuy qui luy auez procuré le bien, par le moyen duquel elle espere recouurer la vigueur qu'elle a per duë, & se reuoir encore en nos iours. Aussi florissante qu'elle air oncques esté, à vostre grande gloire & à l'honneur & grandaur de

nostre Roy: Mais comme ce n'est pas tout de donner le plan à l'ouurage si on ne bastit dessus. Aussi ne vous sera-ce pas assez d'auoir prepare la voye de son bon heur à nostre France, si vous ne tenez main, que ceux
qui sont ordonnez pour la y conduire le sacet sidelemet Car il seroit à craindre qu'estat
destournee du chemin, ou par la matice ou
par l'ignorace des guides, elle tombast en vn
precipice plus dangereux que celuy du quel
vous l'auriez penséretirer. Qui seroit qu'au
lieu des benedictions que vous deuez attendre d'vn si noble dessein, vostre grand nom
courroit fortune d'en soussir interest au
contraire.

Or Monseigneur, ie ne vous dy pas cecy sans cause. La voix publicque retentit par tout, que ceste assemblee si authentique ne peut rien produire de bon à nostre France; d'autant que toutes les roues dont ceste machine est composee, ne iouent que par les mesmes ressorts qui ont alteré les mesures publipaes. Et quels deux points principaux de sa conuocation, les Deputez ont reçeu dés l'entree le resultat des resolutions qu'ils en doiuent prendre. L'vn, portant dessences expresses de toucher à l'ordre du gouuernement & conduitte des affaires. L'autre de commandement precis de demander pour

principal article de leurs cayers, l'accomplifsement des alliances d'Espagne. Si bien que n'ayans libres leurs mouuemens pour deliberer sur ces matieres. Il est à craindre que l'Estat n'en souffre, & que vostre grandeur n'en reçoiue le contentement qu'elle s'en estoit promis. Cela, Monseigneur, donne à tous les gens de bien qui viuent en cet Estat, vne seure continuë & vne crainte qui n'aura point de cesse qu'ils ne voyet vostre grandeur remettre la main à cet ouurage pour le redresser à son plan naturel, & luy redonner la forme & les mesures qu'il doit auoir. Ce sont les vœux de toute la France, Monseigneur, qui vous supplie & vous coniure treshumblemet que vous ressouvenant des protestations publiques par vous cy-deuant faites, de vos sermens solennels deuant la face de Dieu, & du rang que vous tenez en cest Estat. Tesmoins sans reproche, de la deuotion que vous auez à sa gloire. Il vous plaise reprendre courageusement le soin de ce bel œuure & veiller à ce que les ouuriers ne s'efcartans de l'architecture publique. Ils tendent au but general du restablissement du bastiment, vnique dessein de leur conuocation.

A cela, Monseigneur, i'ose vous semondre de tant plus fort qu'y estat interessé dou-

blement come François, & vostre seruiteur, ialoux de la gloire de mon pays & de mes Princes. le pensois estre deserteur de ma patrie, & de ce que ie dois à vostre gradeur, si ne pouuant contribuer de la main à cet edifice, ie ne le faisois au moins de la langue, seul instrument de quelque esficace qui me resté, pour vous rememorer ce que vous deuez à cet Estat, & vous estre tesmoin & organe des affectio publiques desirees de vous en ceste action. Estant ce que vous suy estes vous luydeuez amour, & cet amour requiert de vous vn soin particulier de son bien, de son repos, de sa gloire, de tant plus qu'outre lés obligations naturelles, vous vous y estes engagé librement par vospromesses sans autre semonce que de vostre zele. Ce trauail, Monseigneur, sera grand: Mais la vertu paroist en la difficulté. S'il est grand, il vous sera glorieux, ayat vn obiect li meritant qu'est l'ordre & la paix d'vn si grand Estat. Trauail toutefois qui ne vouspeut estre infructueux: Car si ceste franche voloté vous lie si estroictement à ce dessein, ses redeuaces vers vous luy seront de tant plus fort & plus estroictes. Si bien que de ceste chaine d'amour & de deuoir de vous à luy & de luy àvous vous ne pouuez que receuoir, luy beaucoup de bien vous beaucoup de gloire.

Et quant à cela, Monieigneur, vous are pourrez estr esmeu par ces liens naturels de pieté à la patrie, si le deuez vous au paticulier interest que yous y auez & de bien & d'honneur? Puis que Dieu vous a fait naistre Prince; Prince du sang de France, & encores entres ses Princes, le premier. Qu'il vous a fair naistre capable de porter couronne. Ceste couronne, la premiere du monde; Ne vous sont ce pas des éguillons pressans pour vous induiré à vous opposer de vostre pouuoir à ces torrans de confusion qui l'emportent? Penseriez vous vous garentir en son naufras ge? Comme les Pilotes sont emportez à riauers des escueils par la violence d'vne bourasque de mer & s'y perdent : Aussi font les Princes ordinairemet dans les desordres de l'Estat, si de bonne heure ils n'en destournet l'orage. Et si encores vous n'estes assez esmeu par la consideration du bien, ne le deuez vous pas estre de l'honneur! Qui doit appeter la gloire que ceux qui sont nez de condition glorieuse? Appartient il qu'aux Aigles de regarde fixement le Soleil? Vos vœux & protestations infinies y ont si fort interessé vostre honeur, qu'il en receura sans doute vn eschec, si vous ne faite voir à tout le monde que vous n'auez pas moins de solicitude & de courage pour bien acheuer que

vous auez eu pour bien commencer. l'enlez vous que vos ennemis ne feissent profit de vostre refroidissemet, & qu'ils demeurassent muets dans vostre silence? Mais le sont-ils? Comment le seroient-ils veu qu'ils font parler les murailles? N'oyez vous pas ce qu'ils disent desia (impudemment toutefois?) que vous estes capable d'entreprendre non d'executer? Que vous estes plein de propositions, vuide de resolutions? Langues de viperes qui ne cosideret pas quevos actiossont suje ctes à vne puissance superieure, à laquelle le deuoir & lerespect vous commande de vous submettre & laisser le cours libre à ses volontez. Voudroient-ils point que violentant toutes choses, vous feusiez autheur de nouueau scandale. Et en suitte ample subiet à leurs calomnies? Ne sçauent ils pas que les affaires ont leurs âges, qu'ils les faut prendre en leurs temps & que la precipitation les ruine? Qu'à eux soit la violence & à vous la iustice. Qu'ils continuent leurs artifices, & vous vostre silence iusques à ce que la faison vous conuie de parler & de faire. Cette saison, Monseigneur, approch. Vous auez iusques icy sagement & prudemment laisse libres aux ouuriers les conferences de leurs desseins, & l'assemblage de leurs materiaux C'est à la fonte de la chose qu'il vous faudra contribuer

9

contribuer de vostre soin, de vostre conseil, de vostre courage. La où tous les vœux de la France vous conuient, où vostre pieté vers elle vous inuite; Et la où elle espere vous voir genereusement combattre. Le vice par vostre vertu, la passion par vostre zele, & le de-

fordre par vostre prudence.

Si ceste action n'estoit publique, si de sa nature elle n'auoit la liberté de dire ce qui la blesse, si nostre Roy par ses parentes ne l'en auoit auctorisee. A l'aduanture seroit-il, sinon iuste, au moins tollerable de luy imposer des loix & captiuer ses deliberations. Et à vostre grandeur sechissant sous la puissance de ses arrests, de n'auoir la bouche pour ce, que sa Majesté l'auroit fair: Mais estant composee des trois ordres de cet Estat, & que par les loix fondamentales d'iceluy, il leur est permis de dire franchement ce qu'ils estimét luy seruir. Que par lettres authentiques publiees en mil endroicts, sa Majesté leur permet le libre vsage de leur aduis & de leurs plaintes, il ne seroit pas seulement iniuste de les leur empescher: mais impie, & à vostre grandeur bien fort reprochable de s'en taire. Pensez que ces procedures extraordinaires ne peuuent auoir leurs mouuemens dans la volonté de nostre Roy: mais qu'elles en sont conuerties, qu'elles en sont desguisees afin

 \mathbb{B}

de leur donner passage. Que son âge encore tendre, ne luy permet de se roidir à ses confeils par vne entiere & parfaite cognoissance qu'il aye de leur valeur: mais que la passion de leurs autheurs se sert de sa bouche comme d'vn alambic pour en mieux distiler l'amertume, & sous les accidens d'vne douce potion y noyer le cœur de son Estat & soy melmes. Si nous le cognoissons, le pouuons, nous taire sans crime? Et vous Monseigneur, sur tous autres qui auez & l'auctorité de le dire & l'accez pour le faire. Si vous n'en estés esmeu du deuoir, soyez le au moins de compassion? Pauure Prince à qui rien ne dessaur que le temps. Admirable en esperance si les graces naturelles que Dieu-luy a departies estoient secondees de la fidelité de ses seruiteurs. Prince auquel le mesme Dieu a reserué la gloire pour compagne de savie, si la malice du siecle ne l'en destourne. Qui a puisé; dés leventre les riches semences de la vertui de ses parens (Comme de deux abysmes) pour l'ornement de son Diademe: Mais que l'infidelité, l'auarice & l'ambition des hommes de ce temps sous les faux visages d'amour, de prud'hommie, & de bien publicq tasche d'estousser, tasche d'oprimer. C'est à vous, Monseigneurs de luy en descouurir la fraude, la luy faire voir, la luy faire taster.

Asseuré que Dieu qui a tounours cu virtoit particulier nos Roys & cest Estat, donnera à vos parolles efficace de persuasion, luy ouurira l'oreille pour vous entendre & le cœur pour vous croire. Si bien que de commun accord remedians à tous ces menquemes, il ramenera sans doute ces violences aux plus salutaires aduis de tant de graues personnages qui honorent de leur presence cette congregation. Et si vous ne le faictes qui l'entreprendra?quelle saison attendez vous plus opportune? Quelle occasion plus riante? sçauez vous pas qu'elle est chauue, & que si elle passe vostre vie peut estre s'escoulera auantique vne pareille se rencontre. Ce que vous pouuez faire apresent aueciustice ne se pourroit cy apres sans violence. Puis que vous auez procuré ce bien à nostre France, n'auez vous pas interest qu'elle en iouisse? C'est vostre gloire. Ouy mais direz vous quel honneur d'entreprendre sans succez? A quoy ceste entremise? A vous descharger au moins, Monseigneur, du blasme que vous pourriez encourir par vostre silence. A illustrer de plus en plus vostre na à la posterité comme celuj dune autre Cassadre qui auroit preueu le ma se seroit mis en deuoir d'y donner ordre, Mais que le malheur du siecle n'auroit voult seconder. Prestez, Monseigneur, prestez à la

B ij

- runce voluciangue & voitre courage. Pensez vous que dans vne si notable assemblee il n'y ait pas nombre de gens de bien, de courage vrayement François, qui n'ont autre caractere empreint sur le cœur que le lys. Et qui tres-volontiers se mettroient au hazard d'vne disgrace pour le bien public & la descharge de leurs conscience? Qu'il n'y ait point entreux de ces Fabius Maximus, de ces Attillius Regulus, qui preferent à leurs vies & aux commodirez de leurs familles les conseils vtiles à la patrie? Et que ces personns ges quelques promesses particulieres qu'ils puissent auoir faites, se voyans apuyez de vostre auctorité ne resilissent courageusement à ce qui fera de mieux, sçachans pour maxime veritable que les mauuaises promesses ne font pas tenables. Et s'ils ne le font, malheur fur eux. Telmoignage asseuré du renuerlemet de ce pauure Estat: Car le sens s'esmousse & rebouche quand le destin empoigne les hommes au colet, disoit vn Ancien. Dieu blesse le sens à ceux de qui la diuersités approche. Et Iob, Quand Dieu veut affliger vn Estat, il emmeine despouillez les Conseillers. & met hors le conseil des sages, il destache le lien des Roys & leur sangle les reins, il oste la parolle aux homme diserts, & soustrait le conseil des anciens. Il espend le mespris sur les Princes, & lasche la cein-

ture des forts. Il oste la veuë aux chefs de la terre. Au moins aurez vous à contentement, Monseigneur, d'auoir contribué ce que vous deuez à cet ouurage, & quoy qu'il tarde le mal estant arriué, vostre prudence & sagesse sera recognuë & regrettee (mais à tard) & face Dieu que ie sois trompé. Neantmoins il vous est necessaire de le tenter, si vous aimez l'Estat, la grandeur de vostre, Roy, & vostre honneur propre: Car si toutes choses demeurent en l'estat qu'elles sont. Qu'aura seruy ceste congregation que pour auctoriser dauantage le desordre, & se seruir d'elle pour establir de tant mieux les mauuais conseils les couurant de l'auctorité publique? Pour guerir les maladies du corps humain. On se sert de medecins experts qui en puissent recognoistre les causes & y donner les remedes propres. De mesme pour redonner à cet Estat malade sa premiere santé. Est, il necessaire d'vser de l'experience de ceux que nous sçauons le pouuoir faire par les tesmoignages qu'ils ont rendus de leurs suffisances, extirpant des la racine les motifs par vne purgation conuenable: Car comment le voudroit on soussager si on luylaisse l'vsage li bre de ses appetits deprauez, & des conseils de, ceux mesmes qui l'ont porté à la desbauche? En peu moins de cinq cens, Nous auons veu

B iij

deux saisons en ces affaires, Ivne florissante, opulante, tres-bien reglee; & tellement que dés le commencement de l'année on voyoit iusques àvnsolda recete & despence ordinare de l'Estat, & le sodz qui reuenoit de bon toutes charges payees, fonds tres-grand. On voyoit les deniers des receptes & des fermes si bien reglez qu'il ne s'y faisoit comme point de nonualleurs. Toutes les assignations si bié acquittees aux termes qu'elles valoient deniers comptans. Aussi l'Estat en estoit splandidescraint & redouté de tous. Apresent vn desordre par tout si extreme qu'il n'y a tantost plus de forme. Les deniers des receptes alterez: les fermes finon diminuees au moins la plus part ruynees par la ruine des fermiers:& pour auoir preferé en icelles des hommes de neant à ceux qui les eussent bien maniees come si l'on n'eust visé qu'à se venger des dire-Eleurs precedans par vne apparance de plus grand menage & de soulagement public en la descharge de partie des droits d'icelles au profit du peuple sans diminutió du prix, sans neautmoints en auoir bien consideré la fin & la peine que ce seroit si la faute de fonds & la necessité des affaires requeroit de restablir ce qu'ils ont ruiné, qui fera qu'au lieu de les auoir augmentees on les verra sans doute venir au rabais. Les assignations de l'Espargne

35

en tel estat, qu'elles sont inutiles a ceux qui les ont, qu'en perdat le tiers ou la moitié pour estre payez du reste: & ainsi fonts manquant, porte ouuerte a nouueaux Edits, subcides, creation d'offices, & ainsi l'Estat exposé à la mesme ruine & necessité qu'il estoit il y a trete ans, & à la mesme fortune qu'il a couru. cest à vous, Monseigneur, de vous representer ces choses & les exagerer en ceste assemblee afin de les ramener à l'ordre le meilleur par la consideration des deux temps. Choix qui sera de tant plus aisé à faire, qu'en l'vn nous a uons pour patron nostre deffunct grand Roy qu'on peut dire auoir porté dans lescrein de son estomach les plus résolues & veritables maximes de bien reigner.

Sage en conseil & vaillant au combat.

Qui nous empeschera donc de suiure vne guide si excellente & nous conformer à ces methodes? la multitude est mere de confusion specialement es affaires de finance. Celles de France sont tellement liecs & enchaises que la conduite en est bien plus aisee es mains d'vn seul que de plusieurs, outre l'incommodité des parties ayans affaire à tant de testes. Cest aduis ne sera pas receu de tous les administrateurs mais sussit qu'il le soit comme il sera des gens de bie d'entreux qui quit-

teront tres vollotiers leur particulier interest pour les necessitez publiques, & en tout cas suffit il est necessaire, & que sa Majesté l'ait agreable, mais d'autant, Monseigneur, qu'il pourra arriver que pour rabattre ce grand effort que vous ferez sans doute pour le bien de cet estat au changement de l'ordre estably aux affaires. On voudra pour accommoder toutes choses & vous repaistre de quelque apparence de contentement choisir vn milieu vous interessant en ceste conduicte. Cela estant vous deuez considerer qu'en ce fait il n'est pas tant question de vous y donner la part qui vous y est deuë, comme de trouuer vn møyen par lequel l'Estat puisse reprendre son lustre & sa vigueur. Au moins est-cela le but ou vos protestations & vos desirs ont tédu des le commencement. Si vostre quallité vous permettoit de vous donner le trauail re quis en vne charge si penible qui sera celle de ce restablissement, Certes Monseigneur, toute la France auroit a singulier contentement de voir vostre grandeur chargee de ce faix, & l'en sentiroit infiniement soulagee, sur les asseurace qu'elle à tres certaines de vostre affection & capacité: Mais s'il est expedient pour elle il ne le seroit pas pour vous mesmes, vous deuez euiter qu'il ne soit dit que vous n'ayez trauaillé que pour vous. Et que ces rumeurs passes n'ayent eu pour obiect que vostre consideration particuliere. C'est la c'est la, vostre interest, de faire voir à tout le monde que vous n'auez esté porté en cer action que de l'amour que vous auez pour vostre Roy & son Estat, que pour luy vous faites littiere de vostre particulier: Mais quevous n'en auez point. Que vostre faict propre ne vous touche que par le sien : Car ainst le laisant en arriere, vous l'aduancez. Vous faicles vn coup d'Estat à vostre gloire, & luy donnez les aisses qui porteront la memoire de cet action à nos nepueuz pour estre celebree comme la plus Auguste de vostres vie.

Si vous gaignez ce poinct, Monseigneur, il vous sera facile de venir à l'autre qui touce les alliances d'Espagne. Puis que vous ferez aysement paroistre le prejudice qu'elles feroient à l'Estat. Dont les raisons sont si fortes & en tel nombre, que qui ne les voit pas, ne voit pas le iour & faict des nuicts en plain midy, raisons tant de sois representees par tant & tant d'esprits veritablement embrasez de l'amour de la patrie, que les rebattre seroit importun & les repeter inutilles. Outre

que ieme soubmettrois volontiers à toute rigueur, que si les voix libres des Deputez estoient recueillies sur ce subiect, il ne s'en trouveroit pas de dix l'yne qui les approuue. Et passeray plus outre, que si celles de tous les subjects du Roy y pouuoient estre receues, ils en trouveroit si peu pour l'accomplissement qu'elles ne vaudroient pas la peine d'en faire ligne de compte : Et quand nous n'aurions autre consideration que le naturel de ces peuples. Celanous seroit il pas vn assez fort moyen pour n'en souhaitter la communications superbe; audacieux, Nous prompts. & violent, ennemis capitaux de ces vices? Est-il possible que pour donner vne semme à nostre Roy, & vn mary à Madame. il nous les faille prendre des mains de ceux qui depuis cent ans ne trauaille qu'à nostre ruine & qui pensent en icelle bastir les fondemens d'vne Monarchie de l'Europe? Quilne sessont iamais occupez qu'à nous harfeler, soit par guerres ouuertes, ou intestines, qu'aucun lien de parante le n'apeu retenir de le faire. Qui ne se sont pas contentez de voyes de faich: mais y ont adjousté toutes sortes d'attentats sur les vies denos Roys. Bref qui n'ont es-

pargné aucun moyen pour contenter ou leur haine ou leur ambition. N'y a il plus de maisons souveraines au monde qu'il faille passer par ceste necessité de receuoir à nostre ennemy pour nous donner des Princes qui nous commandent? Que nous baissons à la bouche ceux qui nous voudroient auoir deuorez? Qui nous ont despouillez de nostre bien , & ne beent qu'apres ce qui nous reste? Miserables que nous sommes, nous voyons le gouffre & nous nous precipitons dedans. Serons nous tousiours ministres des passions de nos voisins? Voulons nous estre si charitables de nous perdre pour establir leurs affaires? Ne void on pas que ces conseils ont passé les Alpes pour venir à nous? Et bien que pour les rendre plausibles & receuables, on n'ait peut estre representé que l'egalité des aages & des maisons & l'erretenemet de la paix entre ces Princes. Neantmoins les Autheurs n'ayans afsez d'artifice Ces alliances estans plus nouees) de persuader de nouveaux des-Mings & conseiller de nouvelles entreueues à Bayonne aussi funestes que celles de loixante cinq auant que de donner la forme au baltiment. On pose les fondemens

& puis l'on bastit dessus. Les sages de ce monde en font autant en leurs dessins. Ilz embarquent ceux qu'ilz veulent tromper par des apparences specieuse, & apres les auoir engagez en sorte qu'ilz ne s'en puissent desdire, ils les manient par apres à lextremité qu'ils veulent, ou ilstrouuent, en fin le precipice de leur ruyne. Bon Dieu que diroit à present nostre grand Roy, Ce grand Prince, qui mourant nous auoit laissé tant de baux preparatifs a la gloire, tant de vestiges certains pour aller droictement au temple de paix, s'il en voyoit si tost entre nous la piste esfacee la memoire estein de? & que ceux es mains de qui il les auoit depposez facent ce tort à sa vertu preferant des aduis contraires, de faire vne offrande souësue à son ennemy de ce qu'il auoit de plus cher, & priuer par ce moyen sa geniture de la gloire de venger sur luy les offences de son pere & les sienes? d'auoir l'aissé vn ieune Mars au monde auquel auec la naissance il auoit donne le courage & la passion d'aller hardiment reprendre sur la teste du rauisseur ses couronnes rauies & neantmoins qui sous les apas d'vn mariage hors de saison inegal en tant de sortes on Luy enveille destourner l'occasion? Monsei-

gneur ces actions sont publiques aussi sont les Roys. Toute la France à interest particulier de contribuer aux mariages de ces Princes, de ses ieunes Princes, si elle participe à leurs maladies ne le doit elle pas à leurs contentements? vous deuez donc Monseigneur, renir la main puis que ceste resolution est vn des points principaux de la conuocation desdits trois Estats, qu'il ne se passe rien de violent, & que sous ombre de la demande qui en pourroit estre faicte par les cahiers des prouinces suiuant les commandemens qui en ont esté fait aux depputez, ou les delaiz qu'ils en pourroient faire à l'arbitrage de sa Maiesté. Ou pour mieux dire des autheurs de ses conseils. On ne passe cet article, sans autre aduis mais faire en sorte qu'il soit meurement deliberé sur iceluy en plaine assemblée d'Estats. Afin que la deliberation estant faite selon les loix, la determination en soit suivie, au grand bien de l'Estat à l'honneur de nostre Roy, à la gloire & descharge de vostre Auguste no.

Burgay of all to the second second services of the service of the service of The face of the first of the fi Constant of the property of the Product in the second of the second and the second of the second o which all the appearing the country of the training Entropy of the foreign the second second # pure in a dropping of accepted the party Real Shall stone, Only the with a transitional and the soul of the - ming a kina distribus and a Mingri and a s Similar Succession State of the state of British to the fitting the time of Agrama a tholang specification of the control ि । इ.स. १० डिक्सियार वार्याच्या पूर्वा है । इ.स. इ.स. हिन्दु इस and the state of t Bug Till og Million (1986) for significant al france bibliggene nombrace de l name of constitution of the constitution of all a growing affine of the same and the same Arthur Alectic Configuration of the configuration o



